

SULIT



UTHM

Universiti Tun Hussein Onn Malaysia

**UNIVERSITI TUN HUSSEIN ONN MALAYSIA
PEPERIKSAAN AKHIR SEMESTER KHAS
SESI 2015/2016**

NAMA KURSUS : PENGAJIAN MORAL
KOD KURSUS : UWA10202
PROGRAM : 1 DAA/ DAE/ DAJ/ DAK/ DAM/
DAT/ DAU
TARIKH PEPERIKSAAN : OGOS 2015
MASA : 2 JAM
ARAHAN : A) JAWAB SEMUA SOALAN
DALAM BORANG OMR YANG
DISEDIAKAN
B) DILARANG MEMBAWA
KERTAS SOALAN INI KELUAR
DARI DEWAN PEPERIKSAAN

KERTAS SOALAN INI MENGANDUNGI DUA PULUH DUA (22) MUKA SURAT

SULIT

S1 Daripada bahasa manakah asal perkataan moral?

- A Latin
- B Greek
- C Melayu
- D Inggeris

S2 Apakah hubungan yang merujuk kepada maksud moral?

- A Hubungan manusia dengan alam
- B Hubungan manusia dengan Tuhan
- C Hubungan manusia sesama manusia
- D Hubungan rakyat dengan pemerintah

Soalan 3 berdasarkan ciri etika dalam Pernyataan 1.

Pernyataan 1

Mengkritik dan menilai sistem moral yang ada serta mengemukakan etika yang standard dengan berpandukan sistem moral yang sedia ada (Teori Moral)

S3 Pilih pembahagian etika yang bersesuaian dengan Pernyataan 1 di atas.

- A Relatif
- B Normatif
- C Spekulatif
- D Deskriptif

Soalan 4 berdasarkan definisi pada Pernyataan 2

Pernyataan 2

Suatu sifat yang tetap dan sehati dalam jiwa yang akan melahirkan perbuatan sama ada baik atau buruk tanpa perlu kepada pemikiran terlebih dahulu.

- S4** Siapakah nama sarjana Islam yang mendefinisikan akhlak seperti dalam pernyataan di atas?
- A Imam Malik
 - B Imam Al-Shafie
 - C Imam Al-Ghazali
 - D Imam Al-Syaibani
- S5** Manakah kenyataan yang merujuk kepada amalan moral?
- I Persoalan moral adalah persoalan teori
 - II Amalan luaran yang dizahirkan oleh seseorang
 - III Ketinggian moral boleh dihayati melalui perasaan seseorang
 - IV Nilai moral boleh dilihat melalui amalan seharian seseorang manusia
- A I dan II sahaja
 - B II dan III sahaja
 - C II dan IV sahaja
 - D III dan IV sahaja
- S6** Siapakah antara berikut tidak mempunyai rasa bermoral (*no moral senses*)?
- A Murid tahun tiga sekolah rendah
 - B Orang tua yang menghidap barah otak
 - C Penjenayah yang dihukum kerana membunuh
 - D Penghuni Hospital Bahagia Tanjung Rambutan, Perak
- S7** Apakah maksud akhlak daripada segi bahasa dalam sudut pandangan Islam?
- A Al-Khalq yang bermaksud tabiat atau adat
 - B Al-Khuluq yang bermaksud tabiat atau adat
 - C Al-Khalq yang bermaksud niat atau matlamat
 - D Al-Khuluq yang bermaksud niat atau matlamat

- S8** Bidang manakah yang melahirkan perbincangan tentang moral?
- A Sains
 - B Agama
 - C Falsafah
 - D Kesusasteraan
- S9** Manakah kenyataan yang benar tentang etika?
- I Persoalan etika adalah persoalan praktikal dan amalan seharian seseorang manusia
 - II Etika lebih menjurus kepada amalan dan perlakuan luaran yang dizahirkan oleh seseorang
 - III Etika ertinya satu disiplin atau peraturan yang menentukan sama ada sesuatu perbuatan itu baik atau buruk
 - IV Etika adalah satu disiplin yang akan dapat memberi maklumat kepada kita apakah sistem moral yang diamalkan oleh satu-satu kelompok manusia tertentu
- A I dan II sahaja
 - B II dan III sahaja
 - C II dan IV sahaja
 - D III dan IV sahaja
- S10** Apakah nilai yang perlu ada dalam kedudukan moral dalam konteks sosial?
- A Menghormati orang yang lebih tua dalam keluarga masing-masing
 - B Memastikan semua masyarakat mendapat pendidikan yang cukup
 - C Bertoleransi dalam masyarakat terhadap semua perkara terutama yang melibatkan kepercayaan
 - D Memelihara kerukunan hidup berjiran dan peka terhadap isu-isu sosial yang berlaku dalam masyarakat

S11 Bagaimanakah cara untuk mengatasi masalah alam sekitar?

- I Mengamalkan konsep 3R iaitu *Reduce*, *Reuse* dan *Recycle*
 - II Menjalin hubungan harmonis antara manusia dengan alam sekitar
 - III Menggunakan tenaga dan bahan api secara konsisten untuk kesejahteraan keluarga
 - IV Menggunakan penghawa dingin sepanjang masa untuk menjamin kesejahteraan di tempat kerja
- A I dan II sahaja
 - B I dan III sahaja
 - C I dan IV sahaja
 - D II dan IV sahaja

Soalan 12 hingga 15 merupakan pandangan agama-agama terhadap moral. Pilih jawapan yang betul berdasarkan senarai agama dalam Jadual 1.

Jadual 1

A	Agama Islam
B	Agama Hindu
C	Agama Kristian
D	Agama Buddha

- S12 Moral adalah ajaran mengenai kesan baik atau buruk dari semua jenis kehendak manusia sama ada dari segi tindakan, pemikiran atau pertuturan.
- S13 Moral adalah ajaran yang memimpin manusia kepada kemutlakan moral, kehormatan manusia dan penebusan dosa.
- S14 Moral adalah kelakuan yang tidak melanggar batas-batas peraturan akhlak yang ditetapkan dan penilaiannya adalah mutlak.
- S15 Moral adalah perbuatan murni yang dilakukan secara sengaja dalam kehidupan manusia dan tidak ada sesuatu yang berlaku secara kebetulan.
- S16 Siapakah dua ahli falsafah yang dikaitkan dengan teori Utilitarianisme?
- A Jeremy Bentham dan John Stuart Mill
 - B John Stuart Mill dan George Hamilton
 - C Jeremy Bentham dan George J. Holyoake
 - D John Stuart Mill dan George Bernard Shaw

- S17** Manakah kenyataan yang benar tentang hubungan antara akidah, ibadah dan akhlak dalam ajaran Islam?
- A Ibadah menyempurnakan akhlak
 - B Akidah yang bersih melahirkan akhlak yang mulia
 - C Akhlak dan akidah boleh berdiri sendiri tanpa ibadah
 - D Akidah adalah manifestasi luaran dan ibadah keyakinan dalaman
- S18** Apakah perbezaan antara akhlak dan moral?
- A Nilai-nilai moral bersifat mutlak, sempurna dan tetap
 - B Akhlak mencakupi pemikiran, perasaan dan niat dalam hati manusia
 - C Moral merupakan satu sistem yang menilai tindakan batin manusia sahaja
 - D Akhlak merupakan satu sistem yang menilai tindakan zahir dan batin manusia

Soalan 19 berdasarkan penjelasan salah satu Lapan Kebajikan atau Lapan Nilai Murni (*Ba De*) dalam ajaran Konfusius pada Pernyataan 3

Pernyataan 3

Ia ditakrifkan sebagai sifat taat setia contohnya seseorang rakyat haruslah menunjukkan taat setia kepada negara, masyarakat dan kerjaya masing-masing.

- S19** Pernyataan ini merujuk kepada konsep
- A Ti
 - B Xin
 - C Xiao
 - D Zhong
- S20** Apakah maksud Kalam Tuhan atau *God's Word* dalam ajaran Kristian?
- A Holy Spirit
 - B Jesus Christ
 - C Kitab Old Testament
 - D Kitab New Testament

- S21 Manakah antara berikut salah satu daripada Sepuluh Rukun (*Ten Commandment*) dalam ajaran Kristian?
- A Jangan menyembah Tuhan selain Aku
 - B Jangan menafikan ketuhanan Jesus Christ
 - C Jangan menipu dalam hubungan perniagaan
 - D Jangan memberontak terhadap pemimpin yang adil

Soalan 22 dan 23 merujuk kepada nilai utama dalam ajaran agama Hindu.
Pilih jawapan yang betul berdasarkan senarai terma yang digunakan dalam Jadual 2.

Jadual 2

A	Dharma
B	Ahimsa
C	Dhruthi
D	Kahamaa

- S22 Mengamalkan sifat keberanian dan mempunyai hati yang teguh bagi menghadapi cabaran dan masalah dalam kehidupan.
- S23 Mengamalkan sifat bertimbang rasa dan baik hati terhadap semua orang serta binatang.
- S24 Pilih jawapan yang benar mengenai penyebab *kamma* dalam agama Buddha.
- A Kesetiaan
 - B Kebahagiaan
 - C Akibat perbuatan lampau
 - D Tanda penghapusan segala penderitaan
- S25 Pilih amalan yang dianggap bermoral dalam masyarakat.
- A Manusia dengan jirannya tidak perlu mengamalkan sikap toleransi
 - B Semua ajaran agama menekankan bahawa seseorang itu wajib berkelakuan baik kepada orang lain
 - C Semua ajaran agama menekankan bahawa seseorang itu tidak wajib berkelakuan baik kepada orang lain
 - D Manusia yang hidup dalam kelompok masyarakat tertentu tidak perlu mengamalkan amalan moral dalam kehidupannya

- S26** Apakah empat perkara yang terkandung dalam ajaran Jalan Lapan Lapis Mulia (*Eight Right Path*)?
- A Pekerjaan yang betul, usaha yang betul, tumpuan yang betul, tekad yang betul
 - B Pandangan yang betul, fikiran yang betul, pertuturan yang betul, perbuatan yang betul
 - C Pandangan yang betul, penglihatan yang betul, pengetahuan yang betul, penelitian yang betul
 - D Penderitaan yang betul, kesengsaraan yang betul, kebahagiaan yang betul, keharmonian yang betul
- S27** Pilih fungsi Kod Etika Profesional.
- I Memberikan gambaran kepada semua pihak tentang imej positif setiap profesion
 - II Memberi gambaran kepada semua pihak tentang integriti profesion masing-masing
 - III Memberikan gambaran panduan kepada profesional tentang kejujuran dan maruah profesion
 - IV Memberi gambaran kepada ahli profesional tentang satu standard etika yang tinggi untuk dipatuhi
- A I, II dan III sahaja
 - B I, II, dan IV sahaja
 - C II, III dan IV sahaja
 - D I, II, III dan IV
- S28** Apakah yang dimaksudkan dengan moral sejagat?
- A Tingkahlaku yang bersopan-santun
 - B Nilai-nilai moral yang mengarahkan kepada kebaikan
 - C Moral yang dapat diterima oleh semua lapisan masyarakat
 - D Nilai-nilai moral yang seharusnya diamalkan oleh setiap individu
- S29** Manakah amalan yang dianggap beretika?
- A Menolong orang tua melintas jalan
 - B Menolong orang lain memberi rasuah
 - C Menolong orang muda mengadakan rusuhan
 - D Menolong orang muda menjalankan pemerdagangan manusia

- S30** Apakah ciri-ciri ahli profesional yang mempunyai inisiatif tinggi?
- A Mereka yang menjalankan tugas dengan beban yang tinggi
 - B Mereka yang melaksanakan tugas setelah diarahkan oleh pihak atasan
 - C Mereka yang mempunyai kuasa untuk mengarahkan sesuatu kerja atau tugas
 - D Mereka yang melaksanakan tugas dan tanggungjawab tanpa diarah melakukannya

Soalan 31 dan 32 berdasarkan situasi dalam Pernyataan 4

Pernyataan 4

Setiap kali cuti perayaan berlangsung, kejadian pecah rumah semakin meningkat di kawasan kediaman terutama sekali di bandar-bandar besar seperti Kuala Lumpur. Rumah Encik Ahmad turut dipecah masuk dan beberapa barang berharga termasuk komputer riba, barang kemas serta duit RM10,000 telah hilang ketika beliau sekeluarga berhari raya di kampung.

- S31** Sebagai jiran, apakah tindakan yang anda boleh lakukan?
- A Membuat intipan di kawasan rumah Encik Ahmad untuk menangkap pencuri
 - B Pergi ke rumah Encik Ahmad untuk menyiasat kes bagi mengenalpasti pencuri
 - C Mengawasi rumah Encik Ahmad dan jiran lain terutamanya semasa mereka tiada di rumah
 - D Mempastikan rumah anda sentiasa berada dalam keadaan selamat dengan menyuruh jiran menjaga rumah anda
- S32** Apakah nilai yang perlu diamalkan oleh penduduk di kawasan perumahan yang menghadapi kejadian yang sama?
- I Ramah mesra
 - II Berkerjasama
 - III Rasa belas kasihan
 - IV Semangat kejiranan
- A I dan II sahaja
 - B I dan III sahaja
 - C II dan IV sahaja
 - D III dan IV sahaja

- S33** Apakah punca utama jenayah pembuangan bayi?
- A Perzinaan berleluasa
 - B Kemiskinan keluarga
 - C Keganasan rumahtangga
 - D Pemerdagangan manusia
- S34** Kenapakah perbuatan rasuah dalam kalangan ahli profesional lebih besar kesan buruknya kepada masyarakat?
- A Kerana perbuatan mereka melibatkan jumlah rasuah yang besar
 - B Kerana perbuatan mereka mencemarkan nama baik para profesional
 - C Kerana perbuatan mereka merosakkan masa hadapan organisasi dan negara
 - D Kerana mereka akan mempengaruhi golongan bawahan untuk melakukan rasuah
- S35** Apakah punca utama berlakunya rasuah dalam pengurusan sesuatu organisasi?
- A Pemilihan pekerja berdasarkan kroni
 - B Pemantauan dan penyeliaan yang longgar
 - C Kegemaran mengejar populariti dalam organisasi dan masyarakat
 - D Budaya masyarakat majmuk memberi hadiah dalam bentuk wang dan barangan

Soalan 36 dan 37 berdasarkan peristiwa dalam Pernyataan 5.

Pernyataan 5

Pada bulan April 2014, negara dikejutkan dengan kematian 6 orang remaja dalam Future Muzik Festival Asia (FMFA) 2014 yang diadakan di Stadium Bukit Jalil

- S36** Apakah aktiviti negatif yang menyebabkan peristiwa malang tersebut berlaku?
- I Minum arak
 - II Pergaulan bebas
 - III Pengambilan dadah
 - IV Amalan lesbian, gay, biseksual dan transgender
- A I dan II sahaja
 - B I dan III sahaja
 - C II dan IV sahaja
 - D III dan IV sahaja

S37 Mengapakah ramai remaja terlibat dalam aktiviti tersebut?

- A Remaja suka hiburan
- B Remaja suka mencuba
- C Remaja perlukan kebebasan
- D Remaja dilimpahi dengan kemewahan

Soalan 38, 39 dan 40 berdasarkan perbuatan jenayah pada Jadual 3

Jadual 3

Kategori	Perbuatan	Kesan
Fizikal	memukul, mencucuh api rokok, mencampak dan lain-lain	cedera, cacat, meninggal dunia
X	marah, cerca, caci dan lain-lain	kemurungan, keresahan, ketakutan
Seksual	meliwat dan merogol	meninggal dunia, cedera, ketakutan

S38 Apakah jenayah yang mempunyai hubungan dengan pernyataan dalam Jadual 3?

- A Pelacuran kanak-kanak
- B Penderaan kanak-kanak
- C Keganasan rumahtangga
- D Pemerdagangan manusia

S39 Apakah kategori yang sesuai bagi X pada Jadual 3?

- A Emosi
- B Rohani
- C Mental
- D Perasaan

S40 Berapakah umur yang dikategorikan sebagai kanak-kanak dalam Akta Kanak-kanak 2001?

- A Di bawah 21 tahun
- B Di bawah 18 tahun
- C Di bawah 16 tahun
- D Di bawah 12 tahun

S41 Manakah situasi berikut termasuk dalam teori Deontologi?

- I Cik Wong merosakkan cermin kereta untuk menyelamatkan seorang bayi yang terkurung di dalamnya
 - II Doktor Lee berusaha sedaya upaya untuk menyelamatkan seorang pesakit yang mengalami kemalangan
 - III Encik Wan tidak dapat menghadiri kelas moral kerana ingin menyelesaikan projek-projeknya dalam masa yang singkat
 - IV Encik Arif seorang anggota polis yang bertanggungjawab mengorbankan diri sendiri ketika menghalang penjenayah demi menyelamatkan orang awam
- A I, II dan III sahaja
 - B I, III dan IV sahaja
 - C II, III dan IV sahaja
 - D I, II, III dan IV

S42 Pilih pernyataan yang sesuai bagi prinsip etika Deontologi.

- A Masyarakat mesti mematuhi kewajipan dan tugas ketika menganalisa dilema etika
- B Sebuah masyarakat perlu mematuhi suara dalaman mereka ketika menganalisa dilema etika
- C Sebuah masyarakat perlu mematuhi keperluan masyarakat mereka ketika menganalisa dilema etika
- D Masyarakat harus mengikuti agama mereka dan tugas-tugas agama ketika menganalisa dilema etika

S43 Pilih kenyataan yang sesuai bagi teori Egoisme berdasarkan pernyataan di bawah.

- A Suatu tindakan dan peraturan yang benar, berdasarkan pandangan dan keinginan kepercayaan serta agama
- B Suatu tindakan dan peraturan yang benar, berdasarkan pandangan dan keinginan kepercayaan serta keluarga
- C Suatu tindakan dan peraturan yang benar, berdasarkan pandangan dan keinginan diri, agama serta kepercayaan
- D Suatu tindakan dan peraturan yang benar, berdasarkan pandangan dan keinginan yang bersumber dari diri seseorang

- S44** Manakah teori moral Barat yang menegaskan bahawa seseorang itu sepatutnya melakukan sesuatu tindakan yang akan menghasilkan kebaikan yang banyak kepada setiap orang atau kepada orang ramai?
- A Teori Egoisme
 - B Teori Utilitarianisme
 - C Teori Deontologi-Tindakan
 - D Teori Deontologi-Peraturan
- S45** Pilih pernyataan yang benar mengenai teori Teleologis.
- I Berasal daripada perkataan Yunani "telos" bererti akhir atau akibat
 - II Sesuatu tindakan atau peraturan dianggap bermoral jika jumlah kebaikan yang dihasilkan melebihi kejahatan
 - III Menegaskan bahawa kriteria dan piawaian asas tentang sesuatu yang betul, salah, baik, buruk, jahat dan sebagainya adalah hati nuraninya
 - IV Akibat sesuatu perbuatan yang baik juga boleh ditafsirkan sebagai perkara yang boleh menguntungkan diri sendiri dan membuatkan orang lain bahagia
- A I, II dan III sahaja
 - B I, II dan IV sahaja
 - C II, III dan IV sahaja
 - D I, II, III dan IV
- S46** Pilih pernyataan yang tepat mengenai prinsip etika Sekularisme.
- I Memperbaiki kehidupan dengan cara kebendaan
 - II Apa sahaja yang dianggap baik dan rasional maka ia adalah baik untuk dilakukan
 - III Sumber kekayaan negara dinikmati bersama oleh seluruh rakyat secara sama rata
 - IV Agama dan kepercayaan tidak dianggap sebagai sumber rujukan dalam memahami segala hal ehwal keduniaan
- A I, II dan III sahaja
 - B I, II dan IV sahaja
 - C II, III dan IV sahaja
 - D I, II, III dan IV

- S47** Apakah yang dimaksudkan dengan etika Egoisme Universal?
- A Semua orang mengejar kepentingan orang lain secara eksklusif
 - B Semua orang memberi bantuan kepada orang lain selagi diperlukan
 - C Semua orang mengejar kepentingan mereka sendiri secara eksklusif
 - D Semua orang memberi bantuan kepada orang lain sekalipun diri sendiri memerlukannya
- S48** Apakah yang dimaksudkan dengan Egoisme?
- A Sebarang perbuatan yang dilakukan oleh seseorang itu untuk dikongsi dengan orang lain
 - B Sebarang perbuatan yang dilakukan oleh seseorang itu semata-mata untuk manfaat orang lain
 - C Sebarang perbuatan yang dilakukan oleh seseorang itu semata-mata untuk manfaat diri sendiri
 - D Sebarang perbuatan yang dilakukan oleh seseorang itu bukan semata-mata untuk manfaat diri sendiri
- S49** Siapakah yang memperkenalkan teori Utilitarianisme sebagai prinsip moral tertinggi yang disebut sebagai 'Asas Kegunaan atau Manfaat' (*The Principle of Utility*)?
- A James Mill
 - B David Hume
 - C John Stuart Mill
 - D Jeremy Bentham
- S50** Siapakah yang memperkenalkan penggunaan istilah Sekularisme?
- A Ibn Rushd
 - B Ibn Khaldun
 - C George Holyoake
 - D George Bernard Shaw
- S51** Apakah pernyataan yang boleh dikaitkan dengan Sekularisme?
- A Gerakan untuk memperjuangkan kesetaraan manusia
 - B Ideologi politik yang dipegang oleh bukan agamawan
 - C Gerakan yang memisahkan antara agama dan kerajaan
 - D Parti politik yang memperjuangkan pembangunan negara

S52 Pilih pernyataan yang betul tentang Sekularisme.

- I Tidak bercanggah dengan Kristian
 - II Bermaksud keduniaan, tiada agama dan zuhud
 - III Ideologi yang memisahkan urusan keduniaan dari urusan keagamaan
 - IV Merupakan satu aliran falsafah yang tidak memiliki kebenaran atau panduan
-
- A I, II dan III sahaja
 - B I, II dan IV sahaja
 - C I, III dan IV sahaja
 - D I, II, III dan IV

S53 Apakah faktor-faktor yang membawa kepada kemunculan fahaman Sekularisme?

- I Teori-teori palsu mengenai sains dan astronomi dicipta
 - II Agama mula diterima oleh masyarakat pada zaman abad pertengahan
 - III Pihak gereja menyalahgunakan kuasa dan bertindak zalim terhadap rakyat
 - IV Tindakan kaum Yahudi yang cuba melakukan pemberontakan bagi meruntuhkan kepercayaan masyarakat terhadap agama Kristian
-
- A I, II dan III sahaja
 - B I, II dan IV sahaja
 - C I, III dan IV sahaja
 - D I, II, III dan IV

S54 Pilih keterangan yang benar mengenai etika dalam Islam.

- I Tidak membenarkan bunuh diri
 - II Segala amalan manusia di dunia akan mendapat balasan di akhirat kelak
 - III Membenarkan pengguguran bayi bagi mengurangkan jumlah penduduk
 - IV segala amalan manusia sentiasa dihitung oleh Allah S.W.T.
-
- A I, II dan III sahaja
 - B I, II dan IV sahaja
 - C II, III dan IV sahaja
 - D I, II, III dan IV

- S55** Apakah ciri utama teori moral Teleologi?
- A Ajaran moral dalam agama
 - B Tujuan sosial dari suatu perbuatan
 - C Niat seseorang pada suatu perbuatan
 - D Tujuan akhir setiap tindakan yang akan diambil
- S56** Apakah faktor utama yang menyebabkan jenayah pemerdagangan manusia berlaku?
- A Kemiskinan
 - B Keuntungan
 - C Kepuasan diri
 - D Salah guna kuasa
- S57** Apakah dua era atau zaman yang menjadikan Sekularisme bertambah dominan?
- A Era anti Sosialisme dan era pro Kapitalisme
 - B Era anti senjata nuklear dan era perang dingin
 - C Era Renaissance dan era Revolusi Perindustrian
 - D Era selepas Perang Dunia Pertama dan sebelum Perang Dunia Kedua
- S58** Apakah kepentingan etika dalam perniagaan?
- A Panduan kepada peniaga supaya dapat menaikkan harga barangnya
 - B Panduan peniaga untuk memiliki nilai dan etika yang baik dalam perniagaan
 - C Panduan kepada peniaga untuk mengaut keuntungan yang besar dalam perniagaan
 - D Panduan kepada pelanggan supaya boleh membeli barang dengan harga yang murah
- S59** Apakah yang dimaksudkan dengan Konflik Interpersonal?
- I Konflik yang berlaku kerana percanggahan idea daripada kedua-dua pihak
 - II Konflik yang melibatkan percanggahan nilai moral antara dua pihak atau lebih
 - III Konflik yang terjadi dalam diri seseorang individu tanpa melibatkan orang lain
 - IV Satu disiplin atau peraturan yang menentukan sama ada sesuatu perbuatan itu baik atau buruk
- A I dan II sahaja
 - B I, II dan III sahaja
 - C I, III dan IV sahaja
 - D I, II, III dan IV

S60 Apakah yang dimaksudkan dengan *Theory of Constraint* (TOC)?

- I Memerlukan seseorang individu atau beberapa pihak tersebut untuk berfikir secara sistematik
 - II Membantu untuk membentuk pengetahuan sendiri dan menyelesaikan konflik moral yang dihadapi
 - III Menggambarkan cara penyelesaian konflik melalui lakaran yang mudah dan senang diterima akal
 - IV Strategi TOC sesuai digunakan untuk individu yang mempunyai akal fikiran daripada segenap lapisan umur
- A I, II dan III sahaja
 - B I, II dan IV sahaja
 - C II, III dan IV sahaja
 - D I, II, III dan IV

S61 Apakah yang dimaksudkan dengan kaedah asas dalam strategi penyelesaian konflik?

- I Kaedah yang memerlukan seseorang individu untuk memikirkan cabaran yang bakal dihadapi
 - II Kaedah yang digunakan untuk individu yang mempunyai akal fikiran daripada segenap lapisan umur
 - III Kaedah yang digunakan untuk membentuk pengetahuan sendiri dan menyelesaikan konflik moral yang dihadapi
 - IV Kaedah yang memerlukan seseorang individu untuk mengambil tindakan untuk mencapai matlamat secara bersama dan bersefahaman
- A I dan IV sahaja
 - B I, III dan IV sahaja
 - C II, III dan IV sahaja
 - D I, II, III dan IV

S62 Pilih bentuk strategi penyelesaian konflik yang sering digunakan dalam menyelesaikan konflik moral.

- I Kompromi
- II Pencairan Masalah
- III Pembinaan Hierarki
- IV *Theory of Constraint* (TOC)

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

S63 Nyatakan pembahagian konflik moral.

- A Konflik Intrapersonal dan Hierarki
- B Konflik Intrapersonal dan Konflik Pencairan
- C Konflik Intrapersonal dan Konflik Kompromi
- D Konflik Intrapersonal dan Konflik Interpersonal

S64 Apakah yang dimaksudkan dengan konflik moral?

- A Persefahaman nilai di antara dua pihak
- B Pergaduhan di antara dua pihak tentang nilai moral
- C Pertembungan masalah yang tidak dapat diselesaikan
- D Pertembungan antara dua nilai yang bertentangan dalam satu keadaan

S65 Apakah strategi yang boleh dilakukan untuk menangani konflik moral?

- I Pemikiran yang terbuka
- II Membuat keputusan sendiri tanpa ada perundingan
- III Mengambil kira segala kepentingan sebelum membuat keputusan
- IV Pemikiran yang mendalam dan terperinci dalam usaha menyelesaikan konflik

- A I, II dan III sahaja
- B I, II dan IV sahaja
- C I, III dan IV sahaja
- D I, II, III dan IV

S66 Apakah punca-punca yang menyebabkan isu moral berlaku?

- I Didikan agama
- II Pengaruh media massa
- III Pengaruh rakan sebaya
- IV Sifat ingin tahu dan mencuba

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

S67 Apakah cara-cara mengatasi isu moral yang berlaku di Malaysia?

- I Penglibatan ibu bapa
- II Memperkasakan didikan agama
- III Mengadakan kempen tentang isu-isu moral
- IV Penglibatan kerajaan dalam menangani konflik moral

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

S68 Susun tahap-tahap perkembangan berlakunya konflik mengikut turutan yang betul.

- I Akibat konflik
- II Konflik dikesan
- III Konflik disedari
- IV Konflik terpendam

- A I, II, III dan IV
- B I, III, IV dan II
- C VI, II, III dan I
- D III, I, IV dan II

S69 Siapakah yang memperkenalkan teori Psikoanalisis?

- A James Mill
- B John Stuart Mill
- C Sigmund Freud
- D Jeremy Bentham

- S70** Siapakah pengasas Darwinisme?
- A Charles Cyell Darwin
 - B George Royal Darwin
 - C George John Romanes
 - D Charles Robert Darwin
- S71** Apakah teori yang dikemukakan oleh Darwin?
- A Teori evolusi hidupan
 - B Teori psikologi manusia
 - C Teori perkembangan moral
 - D Teori perkembangan moral Barat
- S72** Apakah kepentingan penerapan nilai integriti dalam organisasi?
- A Individu dapat berintegrasi antara satu sama lain
 - B Meningkatkan produktiviti dan pengeluaran dalam organisasi
 - C Sikap kasih sayang dan memahami antara satu sama lain dapat disemai
 - D Mengelakkan berlakunya penyalahgunaan kuasa dan sikap pentingkan diri
- S73** Apakah kesan daripada semangat perkauman yang melampau?
- A Perpaduan sukar diwujudkan
 - B Peperangan berlaku di mana-mana
 - C Individu akan menjadi terlalu mementingkan diri
 - D Kurangnya integrasi dan asimilasi antara budaya
- S74** Seorang wanita melihat sekumpulan remaja sedang merosakkan harta awam di tempat terbuka. Apakah tindakan yang paling wajar dilakukan oleh wanita itu?
- A Memarahi remaja tersebut
 - B Menasihati remaja tersebut
 - C Melaporkan kepada jabatan Agama
 - D Melaporkan kepada Majlis Perbandaran

- S75** Apakah teori yang menganggap hubungan sejenis dianggap sah dan tidak salah untuk dilakukan?
- A Hedonisme
 - B Naturalisme
 - C Darwinisme
 - D Eksistensialisme
- S76** Apakah rujukan utama perkataan moral?
- I Amalan
 - II Perbuatan
 - III Tingkah laku
 - IV Nilai-nilai yang baik dan buruk
- A I, II dan III sahaja
 - B I, II dan IV sahaja
 - C II, III dan IV sahaja
 - D I, II, III dan IV
- S77** Apakah yang dimaksudkan dengan etika?
- I Etika berasal daripada perkataan *ethos* yang merujuk kepada “perlakuan seseorang”
 - II Satu disiplin atau peraturan yang menentukan sama ada sesuatu perbuatan itu baik atau buruk
 - III Satu disiplin yang dapat memberi maklumat kepada kita apakah sistem moral yang diamalkan oleh kelompok tertentu
 - IV Satu set peraturan tetap yang diwujudkan sebagai panduan kepada manusia untuk menjamin kehidupan yang aman dan harmoni
- A I, II dan III sahaja
 - B I, II dan IV sahaja
 - C II, III dan IV sahaja
 - D I, II, III dan IV

S78 Apakah asas-asas etika Islam?

- I Tradisi Islam
- II Ajaran al-Qur'an
- III Undang-undang Islam
- IV Ajaran Hadis Nabi Muhammad S.A.W.

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

S79 Manakah kenyataan yang benar tentang asas moral, akhlak dan etika?

- I Akhlak, moral dan etika adalah sama
- II Moral adalah daripada perspektif Barat
- III Akhlak adalah daripada perspektif Islam
- IV Etika adalah set peraturan dalam sesuatu masyarakat

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

Soalan 80 berdasarkan Pernyataan 6

Pernyataan 6

Usaha kerajaan mencari dan menjejaki kehilangan MH370 adalah merupakan tanggungjawab kerajaan bagi menyelamatkan mangsa dan maruah negara.

S80 Apakah teori yang sesuai bagi kenyataan di atas?

- A Teori Egoisme
- B Teori Utilitarianisme
- C Teori Deontologi-Lakuan
- D Teori Deontologi-Peraturan

-SOALAN TAMAT-